


ESHANGELO LEKE KEKUMA

 Eshi otashi kala onguloshi yEtitatu, onda udaneka onguloshi ya dja ko. . . ohandi ka popya, nge Omwene te shi pitike, konguloshi, moshilongwa sh*Eshangelo Leke Kekuma*. Osho lela, akutu, ohatu dulu oku tula mo oivike moshilongwa, ndele inatu nyaya kombada. Ashike ohandi kendabala oku kufa mo okatofwamo konguloshi, kekwafo lOmhepo Iyapuki. Ndele paife onda hala oku lesa okudja muDaniel, ekapiteli eti5 novelise oni25. Ndele Otai leshwa ngaha:

Ndele eshangelo eli la shangelwa, MENE, MENE, TEKEL, UFARSIN.

Ndele paife Omwene na wedele omayambeko Aye kEleshelo.

2 Ndele onda kumwa nge mumwatate wetu muwa, omuameni wodolongo apa, a dime omindilo edi. Ame o—o. . . Otau tosho unene oku. Tangi, unene. Nghi wete engungo. Hano ngeenge handi popi naumwe, ondi hole oku va tala moshipala ngeenge handi popi. Osha fa shi na ekwatafano lopaumwene novanhu.

3 Paife otwe lineekela Omwene wetu, konguloshi, fimbo hatu kendabala oku kufa efimbo lange noku popya moshilongwa eshi. Ondi shii kutya oshilongwa sha fimana. Noli li evaengeli lopavae- . . . oshilongwa, ndele kali fi leveluko lOukwakalunga. Ashike olinenenene leveluko lOukwakalunga. Olutu olo tali vele ndi shii konguloshi, Olutu lopamhepo lOmwene wetu Jesus, kedu oku; la tekaukila, la pambaulwa, fiyo La pumbwa shili eveluko lOukwakalunga.

4 Paife, oshilongwa shetu konguloshi osha hovela muBabilon. Ndele Babilon osha dikwa tete, osho shi li natango, muSinear. Ndele osha ifanwa tete, “oshivelo shaKalunga,” *Babel*. Babel, nokonima osha ifanwa *Babilon*, osho tashi ti “engwangwano.” Ndele Babilon osha holoka petameko lOmbibeli, muGenesis; nosha holoka pokati kOmbibeli; nosha holoka pexulilo lOmbibeli, Embo laxuuninwa, Ehololo. Noku kala shi li mOmbibeli aishe, oshi noku kala ko natango nena.

5 Ndele, yo, kesheshimwe shi li kedu nena, momukalo woinima yopamhepo, ngaashi Omhepo yaKalunga nomhepo yomunawii, nomaukwapata aeshe nakesheshimwe tu na nena mounyuni, osha hovela muGenesis. *Genesis* tashi ti “ehovelo.” Noinima aishe ei, natango okoshi yedina likwao nokoshi yolupe likwao, ashike omhepo yelifa oyo ya hovela muGenesis, tai shi eta. Ndele ongaashi ashike omuti tau kulu, tau uya koxulo, oko tau i meshushuko pexulilo, osheshi epangulo linene laKalunga, eshi Ye ta manifa oinima aishe. Naaishe ei i na ehovelo oi na exulilo. Oinima ashike ei ihe na ehovelo kai na exulilo.

⁶ Osho nee o—Omukriste a dalululwa ehe na exulilo, molwaashi oku na Omwenyo waAlushe. Ndele Omwenyo waAlushe oshitopolwa shOmwenyo waKalunga Mwene, osheshi Kalunga Omukwaalushe. Noshitya shelifa, oshitya shOshigreka Zoe osho tashi ti “Omwenyo waKalunga,” eshi Jesus a popya ndele ta ti, “Ohandi va pe Omwenyo waAlushe,” oshitya shelifa sha longifwa natango. Onghee hano, omunhu a dalululwa, omhepo yaye oya lunduluka, nokwa ninga oshitopolwa shaKalunga, unene tuu kutya ye omona waKalunga. Ndele ye oku li Omukwaalushe ngaashi Kalunga e li Omukwaalushe, molwaashi ye oshitopolwa shaKalunga, kEdalo laye, Edalo lopamhepo.

⁷ Paife, Babilon okwa totwa po komulumenhu wedina Nimrod, ou a li omona waHam, omulumenhu mwii lela.

⁸ Ndele Babilon osha li oshilandopangelo shounyuni. Eshi oshilando eshi shinene sha tungwa po, oulando aveshe, ve shi dingilila, ova futa eeshali, oifendela, nosho tuu, koshilando eshi shinene, Babilon.

⁹ Ndele mwinya, nge oto lesa muamwe omomambo onale, ngaashi *Eebabilon Mbali* doHislop, nadihapu domeendjokonona donale, oto mono kutya odi na omalongo a tilifa. Ove na mo omukainhu, itandi dimbuluka edina laye mopaiife, nokwe litwa moiketi ikumwifa ndele...ya mewa medu, noku hongwa mo oikalunga. Osha itavelwa kutya oya li oikalunga oyo Jakob a kufa xemweno, imwe yomoikalunga ei yoiketi nosho tuu. Ouismvongahona, nomoinima oyo omwa dja omaukwapata aa tu wete mounyuni nena. Nge oto didilike oushitwe wavo, noushitwe woinima ei nena, oushitwe welifa.

¹⁰ Onghee, Babilon osha dikwa molufilu olo linene la feta, nosha dingililwa nokutekelwa kOmulonga waEuftrat, nowaTigris. Nosha li endiki linene lounamapya. Ndele Babilon osha li oshilando shinene. Ndele oshi li, konyala, hanga eemaila efele nomilongombali oku dingonoka oshilando; eemaila omilongonhatu kombinga keshe, otashi ningi eemaila efele nomilongombali oku dingonoka. Otava ti kutya omapandavanda moshilando shaBabilon okwa li omana omafele avali momutamona. Omakuma okwa li ounene womana omilongohetatu, nongahona omana omafele avali moule. Otava dulu oku lotokifa ko etemba lomafiyafano komakuma aa, nomatemba. Noivelo oya ningwa moshivela shitwima, noivelo ei oi na omana omafele avali momutamona. Nomokati lela koshilando omu na ombala, nombala oyo olukalwapangelo. Nomokati koshilando omwa dja omulonga munene, waEuftrat. Nge oto shi didilike, oshilando shomunawii, osheshi osha ningwa sha hopaenena Oshilando shaKalunga, ngaashi Omulonga wOmwenyo komesho yOlukalwapangelo. Ndele moshilando omo, ove na anene, oikunino tai lishiki, komakuma, akushe.

11 Ndele osha li shinene, oshiwana sheenghono pefimbo opo, nafiyo sha kombolola ounyuni wa shiivika, nounyuni aushe owa li tau yandje eeshali. Osha xuma komesho mounongononi, ndele ove na oinima yopefimbo oyo ounongononi wa nduluka. Oshi na omatamba opefimbo, omanduluko opefimbo, oilwifo yeenghono, noikwatenda dingi. Osha li shelikalekelwa mounyuni aushe.

12 Opo nee meni lomakuma aa, omo Ohamba Belsassar a li ohamba pefimbo loshiningwanima eshi ou hatu popi konguloshi. Ohamba Belsassar, ou Ombibeli tai ti, “Nebukadnesar, ou a li xe yaye,” ashike paushili okwa li xekulu ou a shikula, Ohamba Nebukadnesar.

13 Ndele vahapu vomunye otamu dimbuluka kutya Nebukadnesar okwa li ehovelo lomauhamba Ovapaani, omutwe woshingoldo. Ndele okwa ya kuJerusalem, dihapu, eemaila dihapu kokule, ndele ta kwata ko Ovajuda noku va eta mouhamba waye, noku va ninga ovapika, noku longifa ounongononi wavo nosho tuu.

14 Ongaashi Russia a ninga eshi a ya mOndowishi. Ndele osho ve nine oboma yoatomika, nosho tuu, ova kufa ovanongononi ava Ovandowishi. Osho va xuma komesho lela nena, ove va kwata ko noku va shuna ko. Vovene, kave u na, ashike ova ya noku kufa oinima oyo ngaashi Nebukadnesar a ninga Ovajuda.

15 Ndele otwa mona mo kutya, pefimbo olo, opa li omulumenhu omuyuki wedina Daniel, omuxunganeki wOmwene, okwa kwatelwa moukwatwa pefimbo opo. Okwa longa onga ohamba kombada yovanongo veenyofi aveshe, nosho tuu, novanongo vokoushilo nOvamagi, mepangelo IOhamba Nebukadnesar.

16 Ndele paife Belsassar okwa ya ponhele. Belsassar okwa li omulumenhu mwii. Ka li e na ko na sha.

17 Opo nee ovanhu aveshe vomuBabilon, neameno ngaashi va li ve udite ve na! Ngeenge ve li meni loivelo oyo, noivelo ya patwa, nomakuma omana omafele avala, omana omilongohetatu mounene, lipula ashike nhumbi ve udite va amenwa komakuma oo!

18 Ashike shi dimbuluka. Kashi nombudi nhumbi ounongononi we ku amena, Kalunga ote ku mono mo ngeenge wa nyona! Ope na eameno limwe alike, ndele oli li muKristus Jesus.

19 Paife, eshi ve udite efimano lavo linene loku wilika oshiwana mounyuni, olupe lela, eputuko loshinanena ngaashi eli tu li, America ou a fimana. Ndele onda fa nda piyaanekwa, amemwene, ashike onda tila kutya otwa kufa omikalo delifa odo va kufile. Osho tu udite molwaashi kutya otu na, eshi hatu lipula, ovanongononi dingi, neendjebo domashina dingi, neeboma doatomika, needila hadi endebele, notu na oludi . . . Oku kala oshiwana tashi wilike ounyuni, otwa uda nale tu na eameno letu tuhe na Kalunga.

20 Efano liwa unene. Ndele Kalunga iha lunduluka. Omikalo Daye doku taalela oulunde ode lifa nena ngaashi da li nale. Ndele kape na onhele yoku hondama apa. OmuKristus amuke wa amenwa.

21 Ndele moshilando eshi shinene, ove udite pehe na omukalo, mounyuni, etanga lovakwaita li ponokele oshilando osho. Manene, omakuma ale, noilongifo yavo yoshinanena, va kandekelwa kondje younyuni wokondje. Ashike inava shiiva kutya oshiwana shii haku tiwa Ovamedia nOvapersia, osho shi li paife Ovahindu vomuIndia, eshi inava shiiva kutya eemaila dihapu kokule okwa li tava fulu omulamba, oku tauluka Omulonga waEuftrat, opo va ende koshi yomakuma. Omanga ve udite va amenwa! Efimbo alishe osho ve udite. Nge osho ve udite, hano otava yoo moulunde.

22 Osha fa kutya ngeenge omunhu a i ponghatu oyo e udite kutya okwe liwana, oulunde owa hovela oku mu kwata. Ongeleka, oshiwana, handimwe, ou e udite kutya ina pumbwa ekwafo lasha kondje, oulunde owa hovela oku mu pangela. Osho oshili. Ndele otwa didilika, yo, kutya ngeenge ovanhu va hovele oku uda eliudo olo linene, alushe oulunde ohau ningine mo noku va dama.

23 Onghee eshi va pata omivelo odo, ove lipula va li va amenwa. Ashike Kalunga okwa vandamena poshi okudja kEulu! “Ndele oulunde ohoni koshiwana keshe.”

24 Onda kumwa, konguloshi, koilongifo yetu aische inene, noatomika yetu tai pangelwa keesubmarine, needila detu deejeta edi hadi tuka eemaila omafele dihapu mosekonde, nokuli, ile, momunute, odo tadi fiye po omuxwemo. Ashike, ino dimbwa kutya oulunde woye otau ku hange!

25 Ndele, mopaiife, ova pata oivelo. Ndele ove lipula kutya otava dulu, oku kala ashike melalangali ngaashi va hala, molwaashi ova amenwa. Ova li tava wilike oshiwana, oiwana ikwao aische oya lyaamena kuvo molwa ounongononi nomolwa e—ekwafo.

26 Nonghee, mefimbo latya ngaho, opa li o . . . Ohamba ei oye lipula kutya otai liningile efimbo liwa lakula. Ndele okwa tula po efiku olo ta ka ninga etutulo linene, ile, ndi tye, ondwangundwangu yoshinanena; ya shiya ko. Nonghee okwa tula po efimbo, ndele ta shiivi ovatumbalekwa aveshe, ovakwaita aveshe neendjai, novalikadi aveshe noikumbu.

27 Paife, oshikumbu ombwada ashike yovene. Ndele ou wete ko, ngeenge omunhu e udite e liwana, oha tameke oku yowa moulunde?

28 Nokwa valekela mo oikolwifa dingi ta dulu oku mona, molwa oshivilo eshi shinene shondwangundwangu ta ka ninga. Okwe lipula a amenwa. Okwe lipula pehe na eshi tashi mu yahameke, molwaashi okwa amenwa. Ndele oku na onhingo ei inene mushimwe shomoikunino ei konima yombala. Ndele

fimbo ve li moshikunino, pamwe ve shi wapeka nawa lela, eendjadjo adishe da endjelela, ve na oukadona vokunyanda novakainhu vahapu ve uya oku hafifa ovakwaita. Neebiila davo nomaviinyu avo! Nge kashi fi etungepo liwa loshinanena loshivilo shondwangundwangu nena, nghi shii apa limwe tali kala. Osho naana. Ndele ove na kesheshimwe sha longekidwa, nova li tava ka kala nefimbo liwa.

²⁹ Ndele kape nelimbililo eshi ovakainhu vahapu va hombolwa ove uya. Ovalumenhu vavo ova fyaala keumbo va lolole ounona, fimbo vo tava ka kala nefimbo liwa. Nokeembinga adishe, kape nelimbililo meme a enda polukolongo, nokahanana taka vele, fimbo omulumenhu a kolwa a ya a ka kale nefimbo liwa. Vahamano ashike vomuumwe, netata lengafifi lavakwao.

³⁰ Ndele ondi va wete ngaashi tava hovele oku nwa noku kala nefimbo liwa. Ndele ohandi lipula ova denga lela obenda, nove na omusika. Novangudjuka tava ngunyunafana. Ndele ovakwaita, va kolwa, va papatela ovakainhu noku va ekela komitwe davo, noku va xupita noku kala omutumba moipundi, noku ula. Tave lipula va amenwa!

³¹ Akutu, America, Kalunga oo a tala koukolwe oo, oshivilo shondwangundwangu, ote ku tale konguloshi!

³² Ova li ve nefimbo ngahelipi! Nohandi lipula ohamba ie apa, Belsassar, oya li Elvis Presley woshinanena, ta dulu oku ninga omatyapulo avo mahapu oo ve na. Noku twikila kwavo akushe vehe shii kutya, efimbo alishe, efyo ola nangela pomuvelo!

³³ Onghee, eshi oshivilo sha yuka elishiko liwa, luhap ongaashi oku tula ko linene leenghundana doshinanena shoHollywood, ove lipula otava denge omashendjo mawa kombinga youkwamhepo; hanga ngaashi omudjalo waArthur Godfrey, ile shimwe shatya ngaho woshinanena nena, ile Ernie Ford omufyoona, ta denge omashendjo onhumba kombinga yomuudifi. Ashike Kalunga natango okwa vandamena poshi okudja kEulu! Ashike ove lipula kutya ove li moshiwana osho itashi dulu oku kumwa. Ashike oto teya eshi wa kuna!

³⁴ Shi shiiva ashike, ovanhu. Kutya nee ove oshiwana, ile ongeleka, ile handimwe, oto teya eshi wa kuna!

³⁵ Ndele, oshike, ondi wete ohamba ei ya fikama, nokutya, “Okafimbo ashike, oukadona, natu ninge omashendjo mawa oukwamhepo omuudifi,” ile nosho tuu.

³⁶ Neendjadjo adishe tadi tuka, novakainhu ovanyasha tava ti, “Whoopee! Eheno, ondi wete otwa hala oku shi pwilikina.”

³⁷ Ndele ovakwaita ovanyasha ova twikila ngaashi ovangudjuka vonena, osheshi eshi kashi lidule vali naBabilon woshinanena! Ame Omuamerica, ashike osho yo Daniel a kala waBabilon pfimbo olo. Ashike osho itashi efifa oulunde!

Handi pula okakadona oshikando shimwe, “Ove Omukriste?”

Oka ti, “Ohandi ku udifa ko, ame Omuamerica.”

Onda ti, “Osho itashi ti sha.” Nandenande!

³⁸ Onda hafa oku kala Omuamerica, ashike osho itashi ulike Oukriste; nande osha. Nge ohatu nyono, ohatu ka futila omatimba etu, shi shiiva ashike.

³⁹ Ove na ko omuxunganeki, ashike itava pwilikine. Ove na Etumwalaka, ashike ova hala oku Li ninga oindjola.

⁴⁰ Nge kashi fi America woshinanena, nghi shi shii. Ove na Evaengeli, Oshili, ashike ova hala oku Li ninga oindjola.

⁴¹ Onghee ova ti, “Natu yeni ko tu ka kufe oiyuma yovaingidi vayapuki, noku i eta apa tu ninge mo omashendjo mawa muyo.”

⁴² Kalunga ita efa ovalunde va ninge oindjola ovanhu Vaye! Oto shi futile, fikulimwe.

⁴³ Ndele ova kufa oiyuma yOmwene, noku i twala motembeli, notava ka nwina moyuma iwa yOmwene. Ndele eshi va tilila mo Oertel 92 yavo ile Pabst Blue Ribbon, muo, va ninge omashendjo mawa musho, akutu, ova yadifa ndoo omakende noiyuma, noku hovela tava nu, noku yola noku ninga oindjola oukwamhepo wOmwene. Ova li vehe shii eshi tava ningi.

⁴⁴ Ndele osho shi li oshiwana eshi, konguloshi, vehe shi kutya otava anye Etumwalaka lOmwene Jesus Kristus, meshasho lOmhepo Iyapuki, noku dalululwa.

⁴⁵ Nande va li ovakwamhepo, paife, ongudu oyo youkolwe wondwangundwangu, ova li ovakwamhepo, molwaashi Ombibeli oya ti, “Ova hambelela oikalunga yavo.”

⁴⁶ Onghee oto dulu oku kala omukwamhepo, ndele natango owa puka! Oshi li mondjila. Kashi fi shoshili. “Ope nondjila ya yuka momesho omunhu, ndele nee exulilo layo ondjila yefyo.” Onghee ove na ongeleka inene yepangelo, noukwamhepo oo tava dulu oku longela, nova ninga oindjola oinima iyapuki yaKalunga.

⁴⁷ Ndele olo olupe naana lonena, tava ningi oindjola oinima iyapuki yaKalunga. Otava luku ovanhu, ava tava kendabala oku kala va yela ve na onghedi, naava va yukilila, tave va ula “onghulu yonale” ile “omwiingidi muyapuki,” ile edina limwe lonhumba lomusheko. Ndele ohava ula eeshalinghenda dOmwene, odo Ye ta longo oilonga yomhepo ya nyata, ngaashi omunyanekeli ile omunawii. Akutu, oto kukuma ngahelipi epangulo? Ohonde yovafili veitavelo otai shi ingidile omhinge! Nge Kalunga ita pangula oshiwana eshi molwa oulunde washo woshinanena, Ye oku noku nyumuna po Sodom naGomorra, noku va pa ombili molwa oku va hanauna po. Oshi li mondjila. Otwa yuka kepangulo! Ndele oikumifi ei

inene oyo u wete Omuxupifi wetu a yambekwa ta ningi, omadidiliko elondwelo, kutya epangulo oli li popepi; nokwa kamula oshiwana eshi okudja kombinga nokombinga, okudja kOushilo fiyo okOuninginino, okudja kOumbanganhu fiyo okOumbuwanhu. Ndele ove I dina, tave I yolo, tave I sheke, tave I shange meembapila davo onga “oipolopolo.” Shi diladila, Babilon woshinanena!

⁴⁸ Paife fimbo tava nu, tava yadifa omaholo avo nokunwa; ohaluka, eshi omumati woshinyandwa eshi shinene, wedina Belsassar, e li po ku nwa eholo laye, omesho aye hanga a nuka mo, eshi a punguluka ta tale koshungo, osheshi okwa mona, kEulu taku di, eke lOmunhu, ndele Tali hovela oku shanga kekuma.

⁴⁹ Onda hala u didilike, Osha shangwa kekuma. Paife, pamwe oixwekelwashela oya li keendjadjo davo, oko ve na ondwangundwangu yavo yoshinanena, nouyelele owa li tau shela kekuma. Kalunga iha ningile oinima koshikololo!

Oshi li koshi youyelele, omo Kalunga ta popi noku linyenga. Onghee eshangelo Laye loshipwe ola li kekuma, moipafi yaaveshe.

⁵⁰ Ndele ohamba oi noku kala ye li mona tete, omushendjuli woshinanena ou, omunamakenyiwa muwa koradio, omunyandi wokino. Eshi ta yadifa okahalasa, a nwe, ile eholo, eshi e na meke laye, omesho aye okwa nuka mo, ndele ta udu e kakamo. Ohandi lipula eshi a ninga. Ombibeli oya ti kutya, “Omakipa aye okwa kulumuka, a damuka.” Okwa kakama lela, shoshili ngaha. Ngeenge Kalunga a hovela oku ulika omadidiliko Aye, efimbo loku kakamifwa. Oshi li mondjila. Ndele eshi e shi didilika, eimbilo laye londwangundwangu ole mu kakamifa.

⁵¹ Ndele hano eshi a didilika eshangelo leke eli kekuma, ohandi lipula kombina yomilungu domwalikadi paindwa ndihe shii kutya oshike, neexwiki daye da xwaanana, te di shilulula, novakwaita ava vakolwa, tava ti, “Onghumwe kutya omukundu owashike u na omumati konguloshi?” eshi ta tu okaku.

⁵² Ndele omulumenhu omunyasha umwe okwe mu kwata, ndele ta ti, “Eewa, natu tutule eli ngaha pamwe.” Nomusika oya kanghama.

⁵³ Akutu, oshiwana eshi shinene sha nyikoulunde, fimbo limwe ondwangundwangu otai ka kanghama! Nge ito pwilikine kewi lomuudifi, oto pwilikine keke laKalunga mepangulo fikulimwe. Ashike ondwangundwangu otai kanghama, shelifa ngaashi eebenda da ningile, noku shika *Popepi, Kalunga Kange, NaOve koTitanic*. Fikulimwe oto ka lundulula ongovela oyo.

⁵⁴ Nomusika oya kanghama. Ndele ova didilika omushendjuli wavo, o—onyofi yavo kokino, ndele, okwa fikama, eengolo daye tadi lidenge kumwe, eshi a tala noku mona oshinima shakula tashi ningwa. “Oshike,” okwa ti, “omakuma aeshe okwa pata.

Ondi na ovakeeleli vange va fikama poshivelo, ovalumenhu vange vahoololwa.”

⁵⁵ Ashike, ou wete, Kalunga ke noku pitila moshivelo, omukalo to lipula. Ye ota di kOukwaalushe! Ndele eke Laye ola shanga kekuma.

⁵⁶ Ndele diva, moku kala monhele yoshinanena lela, Ombibeli oya ti okwa ifana mo ovanyanekeli vaye aveshe, ovanongo veenyofi, ovabisofi aveshe, eendokotola, novapapa, novakaldinale, nosho tuu. Ndele ta ti, “Paife ohandi mu lombwele, valumenhu, onde mu pa omhito mu udife noku ninga eshi mwa hala oku ninga. Paife fatululi, nge, Osho shi li kekuma.”

⁵⁷ Ashike ngaashi sha li, osho shi li paife, kave shi oshipwe. Kave shii sha kombinga yaSho. Kave shii nhumbi tava fatulula omalaka ehe shiivike. Kave shii sha kombinga yelaka Ekwaulu. Ndele vo ova li va kanghwa. Kave shii sha kombinga yaYo. Ndele eshi aveshe va fikama . . .

⁵⁸ Dimbuluka, eshi oku eta mo ouhamba wOvapaani. Ndele ngaashi le uya mo koshi yoshipwe, otali di mo koshi yoshipwe.

⁵⁹ Ashike ovabisofi ava novakaldinale, neendokotola dinene, itava dulu oku fatulula oshipwe. Kave shii sha kombinga yaSho. Ova tala momambo avo aeshe oungoba, ndele inava mona mo sha osho tashi udikwa naSho. Ou wete, oinima yopamhepo otai udika ko pamhepo. Ndele hano aveshe ova li va piyaanekwa, ndele kave shii eshi ve noku ninga.

⁶⁰ Ndele, lwaxuuninwa, ohamba omukainhu munini. Dimbuluka, ka li moshivilo shondwangundwangu. Nomukalo auke a shiiva kutya shimwe otashi ningwa po, ondjovo oye uya kuye kutya ouhamba aushe owa kakama, noshivilo osha kanghama. Ota kala umwe womovaitaveli vawa. Ndele, nande ongaho ile shikwao, okwa kala umwe ou ina dimbwa.

⁶¹ Okwa faukila moshivilo. Ndele eshi a mona omushendjuli woshinanena ta kakama, nobenda yaye aische, okwa ti, “Akutu ohamba, kala alushe nomwenyo!” Ashike ke shii nge okwa fya nale. Ta ti, “Kala nomwenyo fiyo alushe! Ondi shi shii kutya amushe omwa piyaanekwa kombinga yeshangelo leke olo kekuma. Ndele ondi wete omupapa, novabisofi novakaldinale, neendokotola doukwakalunga, ndele kape na umwe womuvo ta dulu oku Li leshe. Ashike, Akutu, ohamba, nandi ku lombwele sha! Omu na omulumenhu mouhamba woye, ou e shii kombinga yoshipwe.”

⁶² Akutu, mumwatate, ngeenge tu wete eshangelo leke kekuma, nena, ashike ope na Omulumenhu ou e shi shii. Pamwe owa pitila mombelewa yandokotola moshilando, ndele tave ku lombwele, “Oto fi.” Ashike ope na Omulumenhu! Pamwe owa pwila moulunde fiyo omwenyo woye wa laula ngaashi efano lomakuma oheli, ndele owe lilongekida oku lidipaa, uhe na elineekelo. Ashike ope na Omulumenhu, nEdina Laye oJesus! Ye oku shii

oshipwe. Ndele Ye oku li mOuhamba wetu, osheshi fye ovana vOuhamba Waye. Ope na Omulumenhu!

⁶³ Ta ti, “Oku shii oshipwe, omido dapita ova mona Omhepo yaKalunga muye. Ndele oku na Omhepo iwa. Oha dulu oku fatulula eendjodi, oha mono omamoniko, nakeshe limwe lomuo oli li lela mondjila. Onghee, ino piyaanekwa, pe nge ashike ominute dishona ndi mu ete apa.”

⁶⁴ Otapa kala efiku limwe to Mu ifana! Oto dulu oku kala uhe Mu nine onhele meumbo loye. We lipyakidila unene, to tale okino, to dana oukalata, to nu eebiila, to i koitufi yondwangundwangu. Ashike ope na oshikando shimwe to ke Mu ifana! Oshi li mondjila.

⁶⁵ Nonghee Daniel okwa etwa mo. Ndele eshi a etwa mo. . . Omuudifi woyuki, omulumenhu waKalunga! Itandi lipula omulumenhu waKalunga e li monhele yatya ngaho ndele nee okwe shi popila omhinge. Ashike, ou wete, ohamba kai na ko na sha naSho, olo etomhelo a li monghalo omo a li.

⁶⁶ Ndele ova eta Daniel, ndele ta ti, “Omolwashike ovapapa voye neendokotola itadi ku fatululile?” Kave na eshi tava fatululifa.

⁶⁷ Onghee hano oshike sha ningwa po? Daniel okwa ti, “Akutu, Belsassar, oinima aishe ei ou i shii. Inai ku holekwa.”

⁶⁸ Ndele ohandi lombwele America! Onda hala ngeni ndi va ninge, omunute ou, mu pwilikine ondaka yange. Oinima aishe ei omu i shii! Ngaashi oiwana nale ya nyona noku ninga eshi twa ninga, otwa yelekwa noshiyelekifo, notwa monika ondjo. Oshike sha ningilwa France? Oshike sha ningilwa Ndwishi? Oshike sha ningilwa oiwana ikwao oyo ya ya “omaviinyu, ovakainhu, nefimbo liwa”? Alushe osho tashi di mo, ndele inatu tunilwa nepangulo. Kalunga omuyuki.

⁶⁹ Ndele okwa ti, “Xo voye, nhumbi Kalunga e mu ninga oshiwana shinene, ashike okwe shi dimbwa. Ndele okwa ninga oinima yelifa oyo to ningi, ndele Kalunga te mu ningi oshinamwenyo shomoixwa.” Ta ti, “Oinima ei ou i shii, opo nee to kufa oiyuma Yaye iyapuki noku i ninga oindjola.” Didilika. Okwa ti, “Eshangelo ola tulwa kekuma, noshikando eshi ouhamba voye owa valulwa.” Moitya imwe, “Tala oku, mukwetu, omafiku oye okwa valulwa! Ouhamba voye owe ukufwa wa yandjwa koshiwana shimwe, shidipai, oshiwana ihashi tila Kalunga,” umwe ou—ou omwii ngaashi e li. Kalunga oha ningi oulunde ulule oulunde. Onda kumwa, nena. . .

⁷⁰ Pefimbo tuu olo, nandi tye tete, eshi a li e li ofika, ta tale eshangelo olo kekuma, inashiiva kutya koshi yomivelo, kwinya ngaho, ovakeeleli ova dipawa. Ndele ovakwaita ova li momapandavanda, tava dipaa ovaameni vombala. Ova li meendodo. Novakainhu ovo ve li po ofika, kokule nouhanana vavo, kokule novalumenhu vavo, novalumenhu novalikadi vavo,

aveshe va kolwa, tava pwilikine komatutulo amwe oshinanena noku twikila. Ndele ovakwaita ova li peendodo, mokafimbo kashona ohamba otai kewa po. Onduba yeengholwe aishe yovanhu otai kewa po, kovakunakalunga, oshiwana sha kwatwa ko kondemoni. Novakainhu ve na oikutu yavo ya dulwa mo, oukadona ovanyasha naaveshe, noku lihanena mepandavanda; tava punduka keetyokola, noku tatula omitwe davo komakuma. Ve va tetaula po konima va nangala navo mokahalu; va pwiduka, ovakwaita va kolwa! Osha li pomuvelo, osheshi ova yelekwa koshiyelekifo, nova monika ondjo.

⁷¹ Ndele onda kumwa, nena, moku twikila kwetu kwoshinanena, oku yola kwetu akushe noku ninga oindjola yomalongelokalunga eveluko, tava yolo noku ninga oindjola yOngeleka yaKalunga omunamwenyo, noku twikila ngaashi Ombibeli ya ti otava ningi, “Ovahayavala, ovafulalali, ve nemoniko longaho letilokalunga, ndele nee tava shilike Eenghono dalo.”

⁷² Onda kumwa, mefimbo eli eshi hatu lipula twa amenwa, ndele, ombaadilila, otwa mona mo kutya Russia oku na omido nhano komesho yetu, mounongononi.

⁷³ Otwa kala moivilo ihapu unene. Otwa enda unene moulunde. Ongeleka oya kofa unene, kai na ko na sha vali noiongalele yomailikano. Itava yavala. Vo, yo, otava tula po ondaka omhinge noshili, Omhepo yashili yaKalunga omunamwenyo; kave i na.

Vo oukwaongalo unene, va djala unene! Kave na efimbo loiongalele yomailikano, ove li kokino nomaulikilo omafano, noku endauka, noku ya koitufi youkolwe naikwao. Osho oshili!

⁷⁴ Otashi udika onghulu yonale, ashike osho oshiwana sha pumbwa nena. Ope na unene omavaya mahapu taa lyatauka nEvaengeli, va djala omanyala omakenya. Oli noku kwatwa neenyala dovene, nOmhepo Iyapuki. Oshili!

⁷⁵ Billy Graham okwa ti, hanga oshivike ile ivali yapita, mulimwe lomomatumwalaka aye, ta ti, “Oshiwana eshi otashi dula oku ninga osatellite kuRussia, efimbo keshe Russia a hala.” Otwa fikama peni?

⁷⁶ Oto ka landa omakwatelo aElvis Presley, noku kala peumbo kokule nongeleka to pwilikine *Otu Hole Sucey*, limwe lomomafiku aa! Omwa yelekwa koshiyelekifo, mwa nonika ondjo! Oshike sha ningwa po? Ope na eshangelo leke kekuma!

⁷⁷ Ovarussia ova tula po osputnik oyo itatu dula oku kandeka, eemaila omafele atano okudja pedu; nota dula oku tula etata lengafifi lavo mOmapangelo Ahangana mominute omilongonhatu da shikula ko, noku ingida nokutya, “Liyandjeni, ile ningeni onduba yomutoko mominute dishona.” Otava dula oku shi ninga. Kape na eshi hatu dula oku ninga tu va kangheke. Oshi li momake avo, ovatilesi vohonde, vehe na onghenda, ovakomunisi vehe na etilokalunga! Osho Kalunga ha longifa oku

ninga oulunde u uye pouyelele. Lelalela ngaho. Nge owa lesha Ombibeli, Russia oku noku shi ninga she likolelela kEhololo. Eewa, nye ovahongi vomaxunganeko otamu dulu oku yooloka muSho, ashike teeeleni ashike fiyo sha pwa. Russia okwa tulwa po molwa elalakano olo. Ombibeli osho ya ti.

⁷⁸ Paife apa oye ou e na osputnik. Otwa kendabala oku umba imwe onguloshi inya, otwe lipula hatu ningi ngaashi naana va ninga; ya yeluka ko omana atatu kedu, noku uma. Ondwangundwangu oi hapu unene noulunde! Otwa yelekwa koshiyelekifo, notwa monika ondjo. Kalunga, fya onghenda!

⁷⁹ Ohatu ka ninga ngahelipi? Oshike tashi ningwa po nge ova tumu eesputnik odo neemisile odo, nokutya, “Liyandjeni, ile mu ninge onduba yondwi mominute nhano”? Osho naana, epangelo letu, oku xupifa omwenyo, otali liyandje. Osho ashike oshinima tava dulu oku ninga.

⁸⁰ Hano oshike tashi ningilwa vamwe vomunye Ovaamerica, atusheni omu; ha mo omu, ashike ohandi popi ounyuni aushe? Okupopya ounyuni!

⁸¹ Omalai nye, oukadona tamu lotauka neendomo komilungu da fa eembeyo dengala; noku yola omuudifi mokolonela, ta udifa Evaengeli. Ndele nye, ovangudjuka vanini, ava tamu lipula omu na eendunge dihapu ponhele mu kale neendunge doku kandeka!

⁸² Oshike tashi mu ningilwa, tate, ou u li omutumba keumbo konguloshi nameme noku tala okino, omanga munini ta lotauka, namumwaina eli kokandiina kwinya, e li mondwangundwangu yaye? Ndele nye otamu tale okino, noku ninga Evaengeli oindjola!

⁸³ Oshike tashi ke mu ningilwa, oshilyo shongeleka? Oidjemo yoye otai ka kala ngahelipi? Oto dulu oku kala u na edina loye membo keshe, longeleka inenenene moshilando; ashike kakele u li koshi yeameno lOhonde yOmwene Jesus, otamu kana pamwe naava tava kana, kape na elineekelo leni.

⁸⁴ Oshike tashi ka ningwa po? Osputnik oyo ngaho i li po. Ndele oshike tashi ningwa po? Oshiwana otashi liyandje, shoshili, osho ashike oshinima shixwepo epangelo tali dulu oku ninga.

⁸⁵ Hano oshike sha ningwa po? Ekufikufi lashikula ekufikufi, leeshikepa da londeka ovakwaita; ekufikufi lashikula ekufikufi, leedila; tadi nambele moshilongo omu. Ovakinhu tava haelelwa momapandavanda. Oto ningi ngahelipi? Ova vo. To fangwa mo meumbo loye, tave li kwata ko.

⁸⁶ Oshike tashi mu ningilwa oukadona ovanyasha, nanye ovalumenhu ovanyasha, naamushe vomunye pefimbo opo? Oulunde ou noku futilwa! Kutya nee oshiwana shilipi, ile kutya olyelye, otave shi ningi. Pauhandimwe, ile pashiwana, otashi ka futilwa! Ndele ongudu yovadipai, ovahenakalunga, vomandjedi, ovakwaita ovacomunisi tava vakula po ovalikadi veni noku va

fifohoni, oukadona veni ovanyasha. Ndele owa fikama u shi hole, ku na eshi to dulu oku shi ninga.

⁸⁷ Oshike she shi etifa? Molwaashi owa pwilikina koshinima shatya ngaho ngaashi omalandulafano okino aa ondwangundwangu noulunde, nomuudifi umwe wongaho mutalala ita dulu oku fatulula oshipwe. Eshangelo leke oli li kekuma! Oshi li momdjila! Ndele otwa yelekwa koshiyelekifo, notwa monika tuvapu.

⁸⁸ Otashi ningwa naini? Manga eluwa inali tenda ongula. Olyelye te shi kangheke? Shi kendabala. Ombibeli oya ti otashi ningwa.

⁸⁹ Ashike nandi ku lombwele, itashi kumu nande Ongeleka yaKalunga omunamwenyo, ohatu kala twa ya nale efimbo olo!

⁹⁰ Onghee, kaume, pwilikina. Nge oshinima osho oshi li popepi, notu wete eshangelo leke kekuma, kape na sha tashi kangheke oshinima eshi shi ningwa paife.

⁹¹ America okwa udifilwa, oshipwe osha longwa, noku twikila ova enda kombada yaYo.

⁹² Inda koshilongo kumwepo u ninge epapuduko, u na ovalidilululi omilongonhe moshivike; noku shuna moivike ihamano, ku na vanhe. Ediva likulu ola yulwa la kukuta. Kalunga oku na ovahoolwa Vaye vahapu. Nongeenge waxuuninwa a i mo, ota patifa omuvelo nosha pwa.

⁹³ Hano inapa xupa sha kakele kepangulo eshi onghenda ya anywa. Naapa otu li pexulilo londjila.

Oshipwe osha longwa, Osha yolwa noku ningwa oindjola. Noshinima shaxuuninwa, Kalunga okwe uya mEenghono Daye Mwene, mOmona Waye Mwene Omuholike, a longe mOngeleka Yaye, ndele tava ti Oo “oukwamhepo,” ile, “omunawii.” Oshike vali sha xupa po shihe fi epangulo? Naapa eshangelo leke kekuma!

⁹⁴ Ashike, nge oshi li popepi, nomulongi keshe oku shi shii kutya Ongeleka otai i mEvakulo manga omahepeko inaa tameka. Onghee nge oshi li popepi, tashi dulu oku ningwa manga ongula, ongahelipi kombinga yEvakulo? Oshi li popepi shi dulife opo! Akutu, Edina lOmwene nali hambelelwe! Euyo lOmwene oli li popepi. Eshangelo ola shangwa, nola shangwa mOmbibeli, notu na omwenyo tu li mone.

⁹⁵ Iho shi ningi, kekwafo lewi lange, u tambule Jesus Kristus otundi ei? “Lidilululeni, mu shashelwe,” Petrus a ti, “keshe umwe womunye, mEdina laJesus Kristus, mu diminwe po omatimba, ndele nye tamu ka pewa oshiyandjwa shOmhepo Iyapuki; osheshi eudaneko okunye, nokovana veni, naaveshe venya ve li kokule. Osheshi kaku na edina limwe la yandjwa koshi yEulu mokati kovanhu, omo u noku xupifilwa mo.” Kakele u li waKristus! Oto dulu oku kala Omumethodiste, Omubaptiste,

Omupentekoste, Omunasarena, Omukatoolika, owa kana nafiyo wa ninga waKristus! Ndele Kristus okwe uya mwoove, Edalo lipe kOmhepo Iyapuki. Mu tambula konguloshi, fimbo hatu ilikana.

⁹⁶ Nomitwe deni da nyongamekwa. Onda kumwa ashike ngaha, vangapi ve li omu ve shii kutya oshinima eshi shinene otashi ningwa? Oto dulu oku ka nangala konguloshi nomwalikadi woye, nongula okwa ya. Ove, tate nameme, oto dulu u xupite koye kanini konguloshi, ndele mongula okambete oke li hamakasha. Ndele oto lotauka nepandavanda, u tale eshi sha ningilwa Omufimanekwa Jones, okwa ya, yo. Evakulo oli li popepi, Ombibeli oya yandja shayela.

⁹⁷ Ndele moshiongalele omu, fimbo u na omhito, onga ovalumenhu o—ovanandunge, novakainhu ovanandunge, omolwashike ito pwilikine keifano olo momutima woye, u tye, “Omwene Kalunga, yadife nge nOmwenyo waAlushe oo.” Molwaashi, nge omhepo yoye natango oi na eudeko lopandunge, ove omukwadu. Ashike Omhepo yaKalunga, oyo ya dja mEulu, otai uya momutima woye notai ku pe Omhepo Iyapuki, mwoove. Eshi omahepeko tae uya, Omhepo (Omhepo Iyapuki) otai shuna kOmushiti Wayo, ndele to i pamwe naYo. Kutya nee oumukwamhepo ngahelipi, itai i kakele mu na Sha shi ku twale.

⁹⁸ Vangapi konguloshi, nomitwe deni da nyongamekwa, komesho yEtumwalaka eli, tamu yelufa omake eni kuKristus, mu tye, “Kalunga, yadife nge nOmhepo Yoye Iyapuki. Ndele nge Owe uya, onda hala oku ya pamwe naOve”? Iho yelufa omake oye? Kalunga ne ku yambeke, mongeleka aishe. Filufilu, omafele avalu, ile mahapu, omake pombada.

⁹⁹ Kaume womulunde, nge ino tambula nale Kristus, pefimbo eli iho yelufa eke loye, u tye, “Omwene Jesus, file nge onghenda”? Kalunga ne ku yambeke, mukainhu. Kalunga ne ku yambeke apa, ove konima oko. Umwe elili, “Dimbuluke nge ashike, Omwene.” Kalunga ne ku yambeke apa, lwaapa. Omwene na kale pamwe naave. “Dimbulukwe nge, Akutu Omwene. Omesho ange okwa pashuka. Onda dimbulula kutya pamwe onde litya Omukriste efimbo lile, ashike nghi shii nale kutya oku dalululwa oshike. Inandi pewa nale Omhepo Iyapuki.”

¹⁰⁰ “Onghee hano, omunhu ngeenge ina dalululwa, ita dulu okuya mo mOuhamba, ile ita dulu okumono Ouhamba.”

¹⁰¹ Iho yelufa eke loye, u tye, “File nge onghenda, Akutu Omhepo Iyapuki. Nongeenge To ile Ongeleka, twale nge”? Kalunga ne ku yambeke, mukainhu. Umwe elili, “Dimbuluke nge, Akutu Kalunga.” Yambekwa, omufimanekwa. Kalunga ne ku yambeke, mukainhu. “Dimbuluke nge, Akutu Kalunga.” Kalunga ne ku yambeke apa, munyasha mukwetu. Kalunga ne ku yambeke lwaapo, mukainhu. Konima oko, mukainhu omunyasha, konima. Naave konima oko, mukainhu. “File nge

onghenda, Akutu Kalunga, manga ndi wete eshangelo leke li li kekuma. Ame omunandunge sha wana, handi ti, oku mona eshi sha tongwa mOmbibeli, konguloshi, kutya eli eendululo londjokonona.”

¹⁰² Otu li pexulilo. Kape na sha tashi kwafa. Oshinima tashi ka hanauna po unyuni oshi li momake omunhu a nyikoulunde.

¹⁰³ Ope na vali vashona. Oto dulu oku kala waxuuninwa ou a nunwa te uya kuKristus. Ngeenge waxuuninwa ou e uya, epangulo otali tameke; pa kambela sha natango, tashi dulu oku kala ove. Iho Mu tambula konguloshi fimbo twa teelega?

¹⁰⁴ Omilongombali amwe, omake omilongonhatu okwa yelufwa. Paife katu na onhele apa oku ninga eifano koaltari, oku eta ovanhu komesho oku, molwaashi katu na onhele yasha. Ashike ohandi ke ku indila, shili, akutu, kala we litula mo noku pwilikina kewi lokulondwela. Kala we litula mo noku indila Kristus, apa lela u li omutumba, “Omwene, file nge onghenda, omulunde, u tambule nge onda konda etukulifo longhenda. Manga inandi nyona po efiku lange lefilonghenda, file nge onghenda, Omwene,” ndele Ye ote shi ningi.

Paife ilikana ngaho fimbo handi ilikana pamwe naave.

¹⁰⁵ Omwene omuyambekwa, otwa fikama monghalo ii konguloshi. Ngaashi hatu leshe Ondjovo Yoye, tu shii kutya konyala otundi keshe eeradio otadi shela, eembeda dondwangundwangu tadi imbi *Popepi, Kalunga Kange, KwoOve*, ashike okwa shelelelwa, epangulo ola tameka. Eemisile ode tu ulika. Ehanauno, leemaila neemaila, eetona neetona do—doatomika yeenghono dokumbolola edu, nosho tuu, odo tadi xwameka unyuni aushe. Ndele oshi li momake omunhu a nyikoulunde. Ndele Ombibeli oya ti kutya osho tashi ka ningwa. Notu wete eshangelo leke kekuma.

¹⁰⁶ Akutu Omwene Kalunga, inandi wana oku kendabala oku etela Etumwalaka latya ngaha. Ndele ondi udite nhumbi ndimunini, nda fikama apa, ndi kendabala oku kala noshilongwa shatya ngaho, ashike Iho dimine nge po molwa oshitopolwa shange shokuha dula oku shi ninga. Ashike nande ongho, okudja komutima wange, ohandi Ku indile u ninginife Etumwalaka, omukalo To shi ningi, momitima davo, osheshi ondi wete otundi tai ehene. Ndele fya onghenda, Kalunga, noku xupifa keshe umwe, noku va yadifa nOmhepo Iyapuki. Ndele nava kale ovana Yoye, Paukwakalunga ve litangela mouwa Woye, noku pewa eameno kOmwene Jesus.

¹⁰⁷ Osheshi, oshiwana shetu inashi amenwa. Okwa li tu shii otwa amenwa. Osho yo Ouhamba waBabilon we lipula, ashike, efimbo alishe, opa li oshiwana shii tashi longo. Ndele opa kala oshiwana shii tashi longo, nafiyo paife tu shi shii kutya ove li komesho yetu, notu li po konghenda yavo.

108 Omwene, Ongeleka oi li po konghenda Yoye. Otava hanaunwa po; ashike Oto kufa po Ongeleka Yoye. Akutu Omwene, tu tula mefiloshisho Loye, konguloshi. Ndele tu yambeka molwa Jesus; nomEdina Laye twa ilikana. Amen.

109 Nawa ashike, omunute. Kala wa ngungumana.

Nawa nonghenda Jesus ota ifana,
Te ku ifana na . . .

Fimbo hatu imbi paife, ninga elunduluko.

. . . mOndjila Ye okwa teelega ta tale,
Te ku tale naame.

Ila keumbo . . . (Peni? Ila, ila pombada.)
Ou wa loloka, ila keumbo;
Nelitulemo, nonghenda, Jesus ota ifana,
Ta ifana, Akutu omulunde, ila keumbo!

[Mumwatate Branham te lididima *Nawa nOnghenda*—Sd.]

110 Akutu, itashi kala efimbo liwa shi ningwe paife! Akutu, oshi li nawa, keshe efimbo Ye okwe lilongekida. Amen! Onda hafa unene oku Mu shiiva. Onda hafa unene eshi olutu eli la mbeba, olo tali nangatele apa, tali ka lundululwa mokafimbo, mepakumo leisho. Ohandi shuna vali komulumenhu omunyasha, ndi kale nomwenyo fiyo alushe.

Ovakulupe otava kala ovanyasha oko
fiyoalushe,
Tava shitululwa mokafimbo;
Oukwaalushe, otava ka fikama moshifeka
Shaye,
Eenyofi netango otadi ka minikila.

Omhito ngahelipi! Ino Mu kandula po.

Akutu, oto Mu hale ngahelipi a tye, “Iyalo,”
MEfiku laAlushe olo!
Ino kandula po Omuxupifi Omuholike
komutima woye,
Ino Mu kandula po. (Ei nai kale onguloshi.)

111 Vangapi ve Mu hole nomutima woye aushe, nowe lilongekida nge Ye okwe uya? Akutu, onda pandula ngahelipi! Ku udite wa fa wa pushulwa paife, meni? Evaengeli, otwa koshwa nomeva Ondjovo. Lovelela ashike popepi naove, u liminike naumwe, to ti, “Kalunga ne ku yambeke. Ondi udite nawa lela. Kalunga ne ku yambeke, muendanandjila. Kalunga ne ku yambeke, mumwameme, mumwatate.” Fye ovaendanandila mondjila.

Handi ende mondjila yakula ikulu,
Handi hepaulula keshe apa handi i,
Xwepo ndi kale Omukriste wefimbo lonale,
Omwene,
Kukesheshimwe ndi shii.

112 Paife fimbo tu li mokafimbo aka kengungumano, onda itavela okwa toka kashona oku ifana omukweyo weilikaneno. Natu... Onda itavela Omhepo Iyapuki oya hokwa nawa, omuvalu munene ou tu uya kuKristus. Paife limonena ongeleka diva, u shashwe u ye mongeleka omo, ongeleka iwa ya yadifwa nOmhepo, noku kalamo shama ashike u nomwenyo.

113 Oilonga ilipipo Kristus a udaneka Ye ta longo? Ye okwa ti, "Oilonga ei Handi i longo, nanye yo." Hano, Oukalipo Waye ou li apa. Hano, ondi shi shii, ookaume, ondi—ondi shi shii, pehe na elimbililo lasha, kutya Jesus oku li apa. Ope na Omulumenhu apa, Oye Omulumenhu elifa ou a ya muGalilea. Oye Omulumenhu elifa ou e ku kulila nOhonde Yaye, nokwe ku velula koipute Yaye. Ndele Ye oku li apa oku longo noku ninga kesheshimwe Ye a ningile, molwaashi Ye Omwene Jesus elifa.

114 Paife natu ilikaneni okalweede, nelimweneneno. Kala ashike melikano fimbo handi kendabala oku mona omadiladilo Omhepo Iyapuki.

115 Onghee, omusika oyo iwa, nhumbi ovanhu ve li momahepeko konguloshi va hala oku i uda! Ovanhu ava tashi dulika va li omutumba moshipundi osho u li omutumba konguloshi, va udile Evaengeli, nova xulifa, ove li momahepeko konguloshi, nhumbi va hala oku kufa oshipundi osho u li omutumba; ve li kokule paife.

116 Omwene, Oove Ou wa shita Eulu nedu, Oove Ou wa tuma Omwene Jesus omuyambekwa oku kedu; nomuYe omwa kala ouyadi wOmhepo. Ndele Owa ti, komilungu Daye, "Aame Omuviinyu, onye oitayi. Omuviinyu ihau ima oiimati muWovene, ashike oitai ohai ima oiimati." Ohandi ilikana, Kalunga, opo U liholole Mwene konguloshi, mokati ketu, opo ovanhu ava va shiive kutya Etumwalaka olo la udifwa, olo la dja kwoOve, kutya Oto tu londwele tu lilongekide, nomafiku axuuninwa oku li popepi.

117 Otapu dulu oku kala ovanauudu ve li omutumba apa, Omwene. Va twa omukumo, opo va veluke, otwe shi indila molwa efimano laKalunga. Paife, Omwene, ngaashi hatu liyandje kwoOve, onga Ongeleka yaKalunga omunamwenyo; okumona, ndi wete, eke keshe li li omu la yelufwa. Ndele ohandi ke Ku indila, konguloshi, Omwene, u tu ningile sha shelikalekelwa. Ndele wanifa ashike paife opo ovanhu ava ve liyandje momukalo ou Omhepo Iyapuki tai linyenge muvo, neitavelo olo, opo ndi dule oku liyandja kwoOve, ndele To longele meeshalinghenda Doye oku liyelifa Mwene mokati ketu; kutya, otapa dulu oku kala ovanailongo mokati ketu. Otwa indila mEdina laJesus. Amen.

118 [Okanhele kehe na sha mokateipa—Sd.]... osheshi Ye alushe oha ulikile onghenda manga epangulo. Ohandi ka indila ovalongi va kale po, noku ilikana. Natu ilikaneni.

119 Ndele paife, unene, onda kala handi udifa, ndele ohandi—ohandi ka indila pamwe nye ovanhu mu li apa komesho, ile keshe apa mu li, ndi hovele ashike oku tya ngaha. Ombibeli otai ti kutya, “Oye Omupristeli Omukulunhu ou a kumwa keliudo loungone wetu.” Iya, hano, nge Ye Omupristeli Omukulunhu ou a li onghela, Ye okwe lifa nena; hano oilonga Yaye yelifa otai longo eshi Ye a ningile onghela, Ye ote shi ningi nena nge Ye okwe lifa. Oshi li mondjila? Onghee nge Ye ota kumwa paife, Mu kuma neliudo loye loungone woye, ndele Ye ta nyamukula.

120 Lipula ashike, eshi Ye a fikamene mengungo latya ngaha efiku limwe, ope uya omulumenhu, ha ifana Petrus, ile edina laye la li Simon. Ndele Ye okwa ti, “Edina loye oSimon. Oove omona waJona. Ashike, okudja nena, oto ka ifanwa Petrus.” Okwa ninga lyelye? Omuyapostoli omuholike.

121 Eshi Filippus a hanga Natanael, ndele te uya, Ye okwa ti, “Tala Omuisrael ou muye muhe nonyango,” moitya imwe, “Omukriste, omunashili.”

Ta ti, “Owa shiiva nge ngahelipi, Rabbi?”

122 Ta ti, “Manga Filippus ine ku ifana, eshi wa li koshi yomuti, Onde ku mona.”

123 Omukainhu e netiko lohonde ola dja mo. Ye okwa tala kengungo.

124 Ove lipula oilonga Yaye oya li yomunawii, nove lipopila momitima davo, “Oye Belsebul.” Ndele Ye okwa konakona omadiladilo avo. Oshi li mondjila?

125 Ye okwa ti, “Thandi longo sha fiyo Tate ta ulikile Nge tete. Noilonga ei Handi i longo, nanye yo.” Onghee Ye oku noku kala, nge Ye ota longo mOngeleka Yaye, molwaashi kutya oyo Ondjovo Yaye.

126 Paife onda hala oku mu pula. Nge mengungo omu, ngeno avali ile ovanhu vatatu, Omwene ota wanifa opo va mone eitavelo la wana oku kuma oshikutu Shaye, ndele Ye ota aluka mOmhepo Yaye noku longa naana ngaashi Ye a ningile eshi Ye a li oku kedu, amushe otamu wanenwa tuu oku Mu tambula onga omuveluli weni? Otamu shi ningi? Tamu ti, “Amen,” nge otau shi ningi. [Eongalo tali ti, “Amen.”—Sd.] Ye ne shi wanife, olo eilikano lange. Paife nge oto ilikana ashike. Ndele nge owa . . .

127 Ovanau du vangapi ve li omu va hala oku velulwa, yelufa eke loye. Keshepamwe ashike, eewa, ovanau du ava va hala oku velulwa.

128 Paife, nge ope na umwe metungilo omu ou nda . . . Nghi shii nande oumwe ou nda tala.

129 Ohandi lipula ou o Rosella e li omutumba apa, okakadona aka ka li ongholwe, aka ka ifanwa moshiongalele kumwepo, ka kala ongholwe, neendokotola ode ke likonda. Ko, eshi ka ifanwa kOmwene, okakadona oke shii kutya inandi ka

mona nale ile ndi ka shii. Ndele Omwene okwe ka lombwela ashishe kombinga yonghalamwenyo yako nonghalo yako, noku ka lombwela kutya ota ka veluka. Ndele okaka konguloshi, oshixuulwa shefilonghenda laKalunga. Ongholwe, fiyo ndokotola nandokotola e ke kanyuna, nokuli Ovaxungimwenyo vEengholwe. Ondi ka shii.

¹³⁰ Ashike, nge hasho, ondi shi shii nawa kutya mumwatate ou a tala nge, e li omutumba apa a djala oshuta imbudu, oye mumwatate ou e tu etela eengala. Onda itavela oshi li mondjila. Itandi—itandi dimbuluka edina laye paife. Okwa li keumbo lange ha nale unene, naMumwatate Boze; Shultz, Mumwatate Shultz.

¹³¹ Kondje yasho, onde lipula onda mona Mumwatate Fred Sothmann okafimbo kashona ka ya, lwaamu metungilo, ashike onda dimbwa kutya openi paife. Nande ongaho, omo a li, oye ou lwaapa.

¹³² Ndele nghi—nghi shii vali umwe. Ashike Kalunga oku mu shii amushe. Nge oto ilikana noku indila Kalunga, konakona eitavelo loye.

¹³³ Ndele ino linyenganyenga paife. Kala lela wa ngungumana okafimbo kashona taka shikula. Paife, *Itavela Ashike*, nge oto dulu. Nefimaneko ngaashi to dulu molwa okafimbo kashona, noku kala ashike omutumba wa mwena.

¹³⁴ Lipula ashike, Kristus okwe shi udaneka. “Okafimbo kashona, ounyuni itau mono Nge vali; ndele nye otamu mono Nge, osheshi Ame...” (“Ame,” ha umwe po. *Ame* epopyo lopaumwene.) “. . . Ohandi kala pamwe nanye fiyo okexulilo lounyuni. Oinima ei Handi i longo, nanye, yo.” “Jesus Kristus e lifa onghela, nonena, nofiyoalushe.” Oshili tuu? Oshi noku kala oshili.

¹³⁵ Iya, onda pandula unene Omwene. Onda hala . . . Otamu dulu oku yelufa omitwe deni nge omwa hala.

¹³⁶ Apa mokolonela, ope nomukainhu e li omutumba mokolonela apa. Omukainhu omulaule. Mukainhu, nghi ku shii. Kalunga oku ku shii. Ashike ope na Ouyelele oo u li kombada yomukainhu paife. Oku na . . . Nge Omwene okwa hololele nge eshi shi li opuyakadi woye, naashi to ilikanene, oto itavele kutya Oo Omwene Jesus e ku kwafe? Ou noku kala moupuyakadi, ile shimwe wa hala, shaashi Oo ngaha.

¹³⁷ Uwete, ookaume, otamu ti, “Iya, nghi U wete.” Otashi dulika muhe U wete. Ohandi U tala lela. Uwete? Oto ti, “Iya, Mumwatate Branham, nge ou U wete nomaliudo oye, ohandi dulu, yo.” Akutu, ahawe.

¹³⁸ Paulus okwe U mona, Jesus molupe lOuyelele, naavo va li pamwe naye inave U mona. Uwete? Ovamagi ova mona Onyofi,

Ouyebele ou we va wilika, ashike kape na umwe elili e U mona. Owa vamwe ashike. Oweeshalinghenda.

¹³⁹ Omukainhu oku na oupyakadi weemwenge domomayulu. Oshi li mondjila. Ou na yo oupyakadi womutima. Oshi li lela mondjila. Pwilikina, edina loye olo, ohave ku ifana “Essie.” Um-hum. Edina loye laxuuninwa oUpshire. Um-hum, um-hum. Oho di mEpandavanda laNorth Cleveland. Ondjukifi yoye o1264. Oshi li lela mondjila. Woye. . . Owa kuma Sha, mukainhu. Ou shi shii kutya ino kuma nge nale.

¹⁴⁰ Okakadona oko ke li omutumba popepi naave opo, otaka ilikana, yo. Ndele otaka ilikanene umwe elili, ndele omeme woye, noku na sha shapuka momapunga aye. Ndele ou ekwatafano nameme *ou*. Ove oshitenyakadona shaye. Edina loye oMargaret. Oshi li mondjila. Ndele oho di ponhele yelifa. Ondi ku wetete to uya, noku ya mo.

¹⁴¹ Oto shi lipula ngahelipi, omufimanekwa, omulumenhu a shikula ko e li omutumba opo? Owa itavela kutya Jesus Kristus oye Omona waKalunga? Owa itavela? Nge Omwene okwa hololele nge eshi shi li oupyakadi woye, oto Mu tambula? Ou na oupyakadi womedimo. Oshi li mondjila. Nge oshi li mondjila, fikama keemhadi doye. Omondjila. Ove omuudifi.

Shaashi, oto ti, “Ye ota tale koikutu yaye yopangeleka.”

¹⁴² Eewa, kwaasho, umwe okwa teelega u kale Omupresbyteria, ashike ove omuudifi wOmupentekoste. Oshi li mondjila. Amen. Elyalyakano loye olo la ninga oshilonda shoye. Ola ya. Inda keumbo wa veluka, mumwatate. Amen.

Kala neitavelo muKalunga. Ino limbililwa.

¹⁴³ Oto lipula shike, u li omutumba apa? Eheni. Uh-huh. Owa itavela? Owa itavela ndi li omupiya waKalunga? Ile, owa hala sha kuKalunga? Nge Kalunga okwa hololele nge eshi wa hala, oto itavele kutya Oshipwe osha longwa? Owe shi itavela, naana eshi Jesus ta ti? [Mumwameme ta ti, “Omutima wange aushe.”—Sd.] Omutima woye aushe. Ou na oshitumba, noshitumba osho oshi li monho yoye. Oshi li mondjila. Nou na yo oupyakadi womedimo. Osha etifwa konghalo yelyalyakano. Oshi li mondjila. Uh-huh. Edina loye oEva May. Readman olo edina loye laxuuninwa. Oho di mepandavanda, 1378 West Epandavanda eti13. Oshi li mondjila.

Opo u shiive kutya ame omupiya waKalunga, oko okakadona koye ke li omutumba opo. Owa hala ka ilikanenwe. Okakadona oko oke na ohemorrhages, noye ka hanga eshi ka nyakukwa ile ka lila neenghono. Osho OMWENE OSHO TA TI.

Okamatyona oko okamwaxe kako. Oshi li mondjila. Okamatyona, yo, owa hala ka ilikanenwe. Otaka piyaanekwa kombato, noka kanifa oshiviha lwopaife, yo. Ka ke na? Osho OMWENE OSHO TA TI.

144 Omukainhu womutilyane e li omutumba popepi naave, okwa fa a piyaanekwa kusha. Owa itavela, mumwameme? Owa itavela Kalunga okwa tuma Omona Waye, Jesus Kristus, a lombwele epupi lOvapaani kutya Ye te uya diva? Ou na oupyakadi wovana vofingo tave ku hepeke, nosho yo oupyakadi wendjadja lokonima, nowa lyalyakana. Ino dja moshilando omu, shapo. Owa dja koDetroit. Onomola yoye, oku ho di, oyo 12134 Epandavanda Fandler. Oshi li mondjila. Detroit, Michigan. Ove Omuitalia. Edina loye oViola P-o-l-o-m-. . . Polomba. Uh-huh. Kala neitavelo muKalunga, noku tambula eshi wa indila.

145 Oto lipula ngahelipi, momukal ou? Owa itavela nomutima woye aushe?

146 Ongahelipi kombinga yoye, omukainhu munini u li omutumba opo? Owa itavela nomutima woye aushe, omukainhu munini u li pexulilo opo? Iya, shapo umwe womunye, kashi nombudi. Oto lipula ngahelipi, u li opo, popepi lela naye? Owa itavela nomutima woye aushe, meme munini e li omutumba, wa tala nge? Oto shi lipula ngahelipi? Owa itavela kutya Omwene Jesus ote ku velula komandjadja omomaulu oo u na? Owa itavela? Pamwe oto shi lipula, oto itavele shihapu nge handi ku lombwele kutya omulumenhu woye oku na oupyakadi wokutwi. Owa hala a ilikanenwe. Oshi li lela mondjila. Uh-huh. Paife owa itavela nge? Kwa li to shi kwata, potete. Osha fa she ku pendula, oshinima, haashi omwa tambula eveluko loye.

147 Owa yelufa eke loye, popepi naye, mukainhu. Oto shi lipula ngahelipi? Owa itavela kutya Kalunga ote ku kaleke nawa? [Mumwameme ta ti, “Ondi shii kutya Ye ota dulu.”—Sd.] Oto kala nawa? Eewa, hano odindo yoye otai ku efa. Oto itavele? Huh?

148 Oto lipula shike, omufimanekwa, ou wa molola omake oye? Owa itavela kutya Kalunga te ku velula koupyakadi woye womutima, te ku kaleke nawa? Owa itavela Ye ta dulu?

149 Ove, u li omutumba, to mu tale opo, owa itavela, yo? Owa hala Kalunga. . . Ou na oupyakadi womutima, yo. Ku na? Ehenou. Nou na oudu wosuuka, yo. Oshi li mondjila. Owa itavela kutya Kalunga ote ku kaleke nawa? Hano oto dulu oku shi mona.

Owa itavela? Kala neitavelo muKalunga!

150 Oshike shi li omu? Ove, omufimanekwa, u li omutumba opo kexulilo loshipundi, owa itavela? Ou na okwiitavela. Opo wa veluka. Ou na oupyakadi weemhadi, ku na? Owa itavela kutya Omwene Jesus. . . Ashike oto ilikanene umwe elili paife, omumwaxo woye, noku li moWisconsin. Oku na etando komapunga aye. Etata lao ola kufwa mo. Oshi li mondjila. Owa itavela? Hano oto pewa eshi wa indila.

Akutu, Edina lOmwene nali fimanekwe!

Ohandi Mu hambelele, ohandi Mu hambelele,

Handi hambelele Odjona ya dipaelwa
ovalunde;

Mu peni efimano ovanhu amushe nye,
Osheshi Ohonde Yaye oya kosha po edilo keshe.

¹⁵¹ Omwene omuyambekwa, ohatu Ku mono fiku limwe to di mEulu. Otu shi shii kutya Ou li apa paife mOlutu lopamhepo, Owe tu lishii vifila Mwene nawanawa. Ounyuni itau shi leshe, Omwene. Inatu teelega nokuli u shi leshe, molwaashi Owa ti, “Itava mono Nge vali.” Ashike otu shi shii kutya Ou na onunona ava tave Ku mono. Otu na onunona ava ve Ku shii. Notwe shi pandula.

¹⁵² Ndele ohatu ilikana paife opo U kombolole etungilo eli, nOmhepo Iyapuki inene, noku velula omunaudu keshe e li omu. Paife mona efimano kwoOmwene, Omwene. Ovanhu inava kala mefye, ndele nava nyumuke va vilima, noku—noku hambelela Kalunga nefimano. MEDina laJesus.

¹⁵³ Nge owe Mu itavela, fikama keemhadi doye u Mu hambelele nomutima woye aushe. Noku tyapula mOmwene Jesus, osheshi Ye paife ota velula keshe umwe womunye, molwa efimano Laye linene lOukwakalunga. Omwene ne ku yambeke. Amen. 🕊

58-0108 Eshangelo Leke KEkuma
Ofikola Yopombada yaLane Tech
Chicago, Illinois U.S.A.

OSHIKWANYAMA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Oufemba didiliko

Eemhito adishe oda kalekwa. Embo eli otali dulu okunyanyangidwa koprinta meumbo molwa elongifo lopumwene ile okuyandjwa po, oshali yovene, onga oshilongifo okuandjakaneka Evaengeli laJesus Kristus. Embo eli itali dulu ku landifwa, okwiindjipalekwa mondwanga, okutulwa kowebite, okutuvikilwa momukalo wonumba, okufatululilwa momalaka akwao, ile okulongifwa molwa eyambidido lopashimaliwa pehe na epitikilo laVoice Of God Recordings®.

Molwa ouyelele uhapu ile molwa oolongifo ikwao ili po, alikana kwatafana:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org